



INFORME sobre proposta de creación dunha *Unidade de traballo temporal para a xestión de fondos de recuperación e resiliencia na Consellería de Medio Rural*

ANTECEDENTES

Único.- Solicitude de informe

Esta dirección xeral recibe escrito da Secretaría Xeral Técnica da Consellería de Medio Rural solicitando autorización para a creación dunha ***Unidade de traballo temporal para a xestión de fondos de recuperación e resiliencia (FRR) na consellería***; coa correspondente dotación de postos de traballo.

Xunto coa solicitude achegan as correspondentes memorias económica e xustificativa.

Non consta no expediente o informe da Dirección Xeral de Simplificación Administrativa.

Unha vez analizada a documentación e de conformidade co establecido no artigo 24.2.o) do Decreto 113/2022, do 16 de xuño, esta Dirección Xeral da Función Pública emite o seguinte,

INFORME

Primeiro.- Estrutura orgánica da Xunta de Galicia

O Decreto 58/2022, do 15 de maio, establece a estrutura orgánica da Xunta de Galicia (DOG núm. 94, do 16 de maio) tendo en conta os criterios de eficacia e economía que deben inspirar a actuación e a organización administrativa. Este decreto establece que a Xunta de Galicia estará integrada polas seguintes vicepresidencias e consellerías:

- Vicepresidencia Primeira e Consellería de Economía, Industria e Innovación
- Vicepresidencia Segunda e Consellería de Presidencia, Xustiza e Deportes
- Consellería de Facenda e Administración Pública
- Consellería de Medio Ambiente, Territorio e Vivenda
- Consellería de Infraestruturas e Mobilidade
- Consellería de Cultura, Educación, Formación Profesional e Universidades
- Consellería de Promoción do Emprego e Igualdade
- Consellería de Sanidade
- Consellería de Política Social e Xuventude
- Consellería do Medio Rural
- Consellería do Mar





Segundo.- Estrutura orgánica das vicepresidencias e das consellerías da Xunta de Galicia

O Decreto 73/2022, do 25 de maio, fixou a estrutura orgánica das vicepresidencias e das consellerías da Xunta de Galicia (DOG núm. 101, do 27 de maio).

Este decreto, no seu artigo 10, establece que a **Consellería de Medio Rural** estrutúrase nos seguintes órganos de dirección:

1. Secretaría Xeral Técnica.
2. Dirección Xeral de Defensa do Monte.
3. Dirección Xeral de Planificación e Ordenación Forestal.
4. Dirección Xeral de Gandaría, Agricultura e Industrias Agroalimentarias.
5. Dirección Xeral de Desenvolvemento Rural.

Quedan adscritos a esta consellería:

1. O organismo autónomo Fondo Galego de Garantía Agraria.
2. O ente público Axencia Galega de Desenvolvemento Rural.
3. A Axencia Galega de Calidade Alimentaria.
4. A Axencia Galega da Industria Forestal.

Terceiro.- Obxecto de informe

O obxecto do presente informe é a creación dunha **Unidade de traballo temporal para a xestión de fondos de recuperación e resiliencia (FRR) na consellería de Medio Rural**, coa seguinte dotación de postos de traballo temporais:

- 1 Arquitecto (corpos especiais, subgrupo A1, nivel 26)
- 1 Arquitecto técnico (corpos especiais, subgrupo A2, nivel 22)

A creación desta **unidade administrativa ex novo** realízase conforme ao **Acordo do Consello da Xunta de Galicia do 8 de abril de 2021 polo que se aproban as actuacións en materia de persoal para a xestión dos fondos de recuperación e resiliencia (FRR) e outros fondos europeos** (Dog nº 127 do 6 de xullo)





Cuarto.- Fondos de recuperación e resiliencia (FRR) e outros fondos europeos

Fondos de recuperación e resiliencia (FRR) e outros fondos europeos

A Comisión Europea, o Parlamento Europeo e os dirixentes da UE acordaron un Plan de recuperación e resiliencia (FRR) para axudar a reparar os danos económicos e sociais causados pola pandemia do coronavirus, que se destinará a investimentos públicos e reformas para fortalecer as economías dos países da Unión Europea (UE).

Este Plan de recuperación e resiliencia (FRR), provoca unha reorganización de recursos humanos que se levará a efecto a través de dúas vías. Unha **vía ordinaria**, que será a asignación de tarefas, traslado de efectivos ou creación de grupos (que poden ou non implicar a tramitación de comisións de servizo, cobertura de postos con persoal interino ou reasignación de efectivos), e **outra vía extraordinaria**, que será a creación temporal de unidades específicas destinadas á xestión dos fondos.

Quinto. Unidades administrativas *ex novo*. Os postos de traballo e a súa cobertura

Unidades administrativas *ex novo*

As **unidades administrativas *ex novo*** están recollidas no punto 2.3 do *Acordo do Consello da Xunta de Galicia do 8 de abril de 2021 polo que se aproban as actuacións en materia de persoal para a xestión dos fondos de recuperación e resiliencia (FRR) e outros fondos europeos (Dog n° 127 do 6 de xullo)*.

Consisten en unidades específicas de carácter provisional para a xestión de fondos europeos cuxa creación é unha **medida excepcional** que debe ter suficientemente motivada que os expedientes para executar os correspondentes fondos de recuperación e resiliencia non poden ser asumidos coa asunción de tarefas de xeito parcial por parte do persoal nin por medio da creación de grupos de traballo, por ter a súa tramitación un volume inxente de carga de traballo, continuidade temporal e duración superior a 1 ano.

A **tramitación** da creación destas unidades seguen o mesmo procedemento establecido para a tramitación de proxectos de decretos de estrutura orgánica ou de modificación das relacións de postos de traballo aínda que con certas particularidades recollidas no acordo do 8 de abril de 2021.

Da **creación e da disolución** destas unidades darase conta á Comisión de Seguimento deste Acordo e ás organizacións sindicais con representación na Mesa





Xeral de Empregados Públicos e disolveranse cando finalice o prazo para o desenvolvemento dos proxectos ou a execución do plan encomendado ás mesmas.

Os postos e as unidades administrativas *ex novo*

Tanto os postos como as unidades teñen unha vixencia temporal que coincide coa do proxecto a realizar, constando nos postos a observación **"Posto con vixencia temporal vinculado a xestión Fondos de Recuperación e Resilencia e outros fondos europeos"** polo que, extinguida a unidade administrativa, o persoal retornará á súa unidade de orixe.

Cobertura dos postos

Os postos destas unidades administrativas serán cubertos con persoal en **comisión de servizos e os seus postos de orixe poderán ser cubertos mediante persoal funcionario interino ou persoal laboral temporal** coas previas autorizacións, por unha vía preferente e urxente de tramitación, en relación aos informes conxuntos establecidos na lei de orzamentos.

A incorporación do persoal seleccionado levarase a cabo **no prazo máximo dunha semana** dende o acordo de adscrición ou da resolución da convocatoria, segundo o caso.

O traballo desenvolvido poderá terse en conta a efectos de recoñecemento profesional ou na carreira administrativa do persoal emprego público.

Incentivos económicos

A participación do persoal nestas unidades, con dereito á percepción dunha compensación económica, poderá ser incentivada coa percepción dunha compensación en concepto de **productividade (máximo do 20% das retribucións anuais)** ou de **gratificacións extraordinarias**. Corresponde a cada centro directivo a elección, motivadamente, do tipo de incentivo sendo incompatible a percepción da produtividade coas gratificacións extraordinarias





Sexto- Postos temporais a crear nas unidades administrativas

Creacións: 2 postos en total

CÓDIGO DE POSTO	DENOMINACIÓN DO POSTO	GRUPO-SUBGRUPO PROVISIÓN	CORPO/ESCALA	NIVEL	OBSERVACIÓNS
MR.C02.00.000.15770.100	ARQUITECTO/A SUPERIOR DE FUNCIÓNS FACULTATIVAS	A1	ESA	26	Posto con vixencia temporal vinculado a xestión Fondos de Recuperación e Resiliencia e outros fondos europeos
MR.C02.00.000.15770.105	ARQUITECTO/A TÉCNICO/A DE FUNCIÓNS FACULTATIVAS	A2	EMA	22	Posto con vixencia temporal vinculado a xestión Fondos de Recuperación e Resiliencia e outros fondos europeos

CÓDIGO - DESCRICIÓN DOS CORPOS/ESCALAS

EMA ESPECIAL (ESC. ARQUITECTOS TÉCNICOS)
ESA ESPECIAL (ESC. ARQUITECTOS)

Os postos figuran recollidos na **anexo** a este informe.

CONCLUSIÓN

En consecuencia, de conformidade co exposto e consideradas as razóns organizativas e funcionais contidas na proposta sometida a informe este centro directivo, **INFORMA FAVORABLEMENTE** á creación *Unidade de traballo temporal para a xestión de fondos de recuperación e resiliencia (FRR) na Consellería de Medio Rural* cos correspondentes postos de traballo temporais.

Damos traslado do expediente á Dirección Xeral de Planificación e Orzamentos para a emisión do preceptivo informe.

Asinado electronicamente en Santiago de Compostela

O director xeral da Función Pública. José María Barreiro Díaz

